

Իսկ Ակակիոս չարանենդ եպիսկոպոս Կեսարու Պաղեստինոյ՝ մախացեալ ընդ համբաւ սրբութեան և իմաստութեան երանելոյն Կիւրղի, յարոյց հալածանս ընդդէմ նորա, և ՚ի բացակայութեան նորին ժողովով Արիանոսաց ընկեց զնա յաթոռոյն, և այնչափ բռնացաւ՝ մինչեւ հալածել զԿիւրեղ քաղաքէ ՚ի քաղաք և ինքնին տիրել աթոռոյ նորա, մինչեւ գիցէ զայլ ոք արքունի իշխանութեամբ։ Իսկ երանելին Կիւրեղ խոյս տուեալ յերուսաղէմէ գնաց ՚ի Տարսոն Կիւլիկեցւոց առ Սիղուանոս եպիսկոպոս, և նա սիրով ընկալաւ զնա, և թոյլ ետ քարոզել զԲանն կենաց առ ժողովուրդն Տարսոնի։ Գումարեցաւ ժողով ՚ի Սելեւկիա 160 Եպիսկոպոսաց, որք էին Արիանոսք և Կէս Արիանոսք. ուր եհաս և Ակակ գործակցովք իւրովք, և իբրեւ արդարացաւ Կիւրեղ ՚ի ժողովի անդ, զայրացեալ Ակակայ գիմեաց ՚ի Կոստանդինուպոլիս և չարախօս եղեւ զհարց ժողովոյն առ կայսրն Կոստանդինոս, այլ առաւել ընդդէմ Կիւրղի գրգռեաց զնա չարանենդ լեզուն. քանզի ասէր թէ զսուրբ պատմուճանն ոսկեթել, զոր հայր քո ՚ի պատուել զեկեղեցին Երուսաղէմի տուեալ էր ՚ի պարգեւս Մակարայ հայրապետին, նովաւ կատարել զմկրտութեանն խորհուրդ, զայն վաճառեաց Կիւրեղ պատճառանօք. վարձակի կամ միմոսի ումեմն արկեալ զանձամբ այնպէս եմուտ ՚ի թատրոն, այլ ՚ի ժամ կաքաւելոյն պատուհասեալ անկեալ է և մեռեալ, յաւել և զայլ չարախօսութիւնս։

Ի գումարել ժողովոյ ըստ կամացն Ակակեանց հրամանաւ Կայսեր (360) ՚ի թագաւորեալ քաղաքի անդ, յորում հաստատեցաւ Հանգանակն Արիմինեայ, դատապարտեցան ամենայն հանդանակք որ յառաջ քան զնա յօրինեալ էին և որ յետ այնորիկ երբէք յօրինեսցին. ընկեցան յաթոռոյ գլխաւորք Կէս Արիանոսացն. հերքեցին զԿիւրեղ և զմիաբանեալսն ընդ նմա իբրեւ խռովիչս և մոլորեցուցիչս. և ել հրաման արտասահմանութեան նոցա։ Ակակիոս չոքաւ ՚ի Տարսոն և ետ աքսորել զՍիղուանոս և զԿիւրեղ ՚ի հեռաւոր տեղիւ։ Կարգեաց յերուսաղէմ առ ժամանակ մի ժողմանակ Կիւրղի զԵւտիքիոս ոմն եպիսկոպոս թշնամի նորա, որպէս և յետ սակաւուց զայլ ոք. դարձեալ ասի յոմանց թէ ՚ի սոյն մի-